



Synfocity = 435

25th April, 2013

mail us at : mzsynfo@gmail.com; mizoramsynod@gmail.com - Phone - 2314648

□ Bial Inkhawmpui

April 26 - 28 chung hian Presbyterian Kohhran chuan Pastor Bial tinah Bial Inkhawmpui an nei ang. April 26 (Zirtawp) zan hi Palai Lawmna & Report Inkhawm a ni ang a, April 27(Inrinni) ah nilengin Rorel a ni ang a, April 28 (Pathianni) chawhnu inkhawmah Lalpa Zanriah Sakramen theh a ni ang a, zan inkhawmah Bial Chairman kalchhuak turten Valedictory Sermon an sawi ang. Pathian Biak Inkhawm hun hrang hrangah thupui sawi tura ruatten thuchah an sawi bawk ang.

□ PBS Graduation Service vawi 27-na

Vawiin (April 25) chawhnu dar 1:00 khan Presbyterian Bible School (PBS) chuan Pi Zaii Hall, Synod Conference Centre-ah Session 27-na Graduation Service an hmang.

Graduation Service programme hi Synod Moderator Rev. Lalramliana Pachuau-in kaihruaiin hunserh a hmang a, C. Sanglianan Presbyterian Bible School-a thawktute, Board member leh zirlaite inhmelhriattirna hun a hmang a, PBS Principal in-charge Rev. H. Biakthansangan report a pe bawk. Synod Moderator Rev. Lalramliana Pachuau-in zirlai pass chhuakte hnenah certificates a hlan a, Rev. P.C. Pachhunga, Executive Secretary i/c PBS in Thuchah a sawi a, Synod Secretary (Jr.) Upa H. Zolianan exam-a ti thate leh class kal kimte hnenah lawmman a hlan a ni. Upa C. Lalbiaksanga, PBS Board member-in zir chhuakte tawngtaisakna hun a hmang a, Board member Upa F. Lalthianghliman fuihna thu a sawi a, zirlai aiawhin thusawi a awm bawk. NI. K. Lalmangaihzuai a zai a, Rev. Dr. C. Lalramlianan lawmthu sawina hun a hmang bawk.

Presbyterian Bible School hi kum 2004 May thla atangin tan a ni a, heta tanga zirchhuakte hi rawngbawlna tangkaiah an inhmang zui hlawm a, Missionary leh Social Worker-a tang zui tam tak an awm a, B.Th. leh BD zir zawm thahnem tak an awm tawh a, Synod Revival Speaker zinga tam takin heta tang hian Pathian thu an zir chhuak tawh bawk a ni.

□ Zin

April 26 - 29 chung hian Khawlailung Dinthar Bial, Sialsir Kohhranah Bial Inkhawmpui neih a ni dawn a, hetah hian Rev. Lazuithanga, Executive Secretary chu Speaker a ni ang.

□ ATC Valedictory Service

Aizawl Theological College chuan April 23 (Thawhlejni) khan Pathian thu zir chhuakte thlahna inkhawm urhsun a hmang a. Programme hi Rev. Prof. Vanlalchuanawma, Principal-in a kaihruai a, Rev. Lalramliana Pachuau, Synod Moderator-in thlahna thuchah a sawi.

Heng Pathian thu zir zo thlah takte hi M.Th course-ah mi 16 leh B.D course-ah mi 23 an ni a. Hlawhtling takin an zirlai an zo hlawm a ni. Programme-a item hrang hrangte hi Seminary puitling programme a nih angin hla chham nei veka kalpui a ni a, a urhsun hle.

Rev. Lalchungnungan Pathian sawmna hun a hmang a, Dr. Lalrindikin Lawmthu sawina hun a kaihruai a, Rev. Dr. H. Lalrinthangan sual thuphachawi tawngtaina hun a hrui leh a, zirlai kal chhuk turte hmelhriattirna hun hman a nih hnuah Synod Moderator-in thuchah a sawi a. Principal-in inthlahna hun a buatsaih a, Synod Choir an zai a, Ms. Rosy Zoramthangin kal chhuak turte tana mipui tawngtaina a kaihruai a, Faculty lam leh zirlai lut tharte aiawhin inthlahna thuchah an sawi a, kal chhuak turte aiawh thusawi ngaihthlak a nih hnuah Rev. H. Lalrinmawia, Synod Secretary-in lawmman chi hrang hrang a sem zui a, Theological Education changtu Executive Secretary Rev. Lazuithangan Certificate a sem a, Rev. H. Lalchhanhima, Theological Education Board member-in Malsawmna in hun a khar a ni. Zirlai kal chhuak turte thlah nan tlai lamah zanriah kilho nghal a ni.

Zirlaite inelna kawng hrang hranga titha ber lawmman dawngtute chu-

- | | | |
|---|---|--------------------|
| 1. Zirlai Tlawmngai ber (Upa R. Zobela Hriatrengna) | : | C. Tlangromawia |
| 2. Zirlai Thuhiril thiam ber (Rev. Liandova Hriatrengna) | : | Isaac Lallawmkima |
| 3. Preliminary Greek (J.M. Lloyd Hriatrengna) | : | Lalthanliana |
| 4. Preliminary Hebrew (Rev. & Mrs C. Vanlalhruaia te lawmman) | : | ST Lala |
| 5. Library knowledge (Upa Prof. C. Lalkima Lawmman) | : | Malakia Lalnunfela |

□ MTC Graduation Day

April 18 khan Missionary Training College chuan a vawikhatna atan Pi Zaii Hall, Synod Conference Centre-ah Graduation Day an hmang. a, B.Miss. zirlai mi 13 te thlah a ni.

Graduation Programme hi Rev. K. Lalrinkima, MTC Principal-in a kaihruai a, Inlawmna thu sawiin Reports a pe a. Rev. Lalrintluanga, Dean of Academics-in zirlai kal chhuak turte Inhmelhriattirna hun a hmang a, Synod Moderator Rev. Lalramliana Pachuau-in Graduation Address a pe. Rev. Lalchuanmawia, Synod Mission Board Secretary-in zirlaite inpek tharna (act of commitment) hun a hmang a, Rev. Remlalfaka, MTC Lecturer leh Lalawmpuia Lungen, B.Miss. III, Student Body Secretary hnen atangin Inthlahna thu ngaihthlak a ni a, Mission Vengthlang Pastor Bial Zaipawlte an zai bawk. Zirlai tithate hnenah Rev. H. Lalrinmawia, Mizoram Synod Secretary -in lawmman a hlan a, Rev. Vanlalzuata, Senior Executive Secretary-in zirlai kal chhuak turte hnenah Certificate a hlan bawk. Pi Vanlalhawmi, MTC Lecturer-in Lawmthu sawina hun a hmang a, Rev. Prof. Vanlalchuanawma, MTC Managing Committee Member-in Malsawmna sawiin programame a khar a ni.

Tun tumah hian zirlai ti thate hnenah hetiang hian lawmman hlan a ni :

- | | | |
|--|----|-------------------|
| 1. Best Student Award | : | H. Laldinpuia |
| 2. Academic Excellence | : | Mumfort L.Z Sailo |
| 3. Biblical Studies | : | F. Lalpianluanga |
| 4. Theological Studies | : | Mumfort L.Z Sailo |
| 5. Religion and Socio-Cultural Studies | : | Mumfort L.Z Sailo |
| 6. Mission and Evangelism | : | Mumfort L.Z Sailo |
| 7. Proficiency Prize : | | |
| 1) K. Zirsangzuala | 2) | Lalawmpuia Lungen |

- 3) Mumfort L.Z Sailo 4) H. Laldinpuia
5) Kenny Lallawmawma 6) Vannunmawii

Missionary Training College hi tun hma chuan Missionary Training Centre tih thin a ni a. Kum 2010 atangin B.Miss kum thum course zirtina hawn a ni a, College-ah hlan kai a ni. Kumin 2013 atang hian Senate of Serampore College chuan he zirna hi a pawm (affiliate) tawh bawk a ni. Tunah hian zir lai 42 an awm mek a, tun tuma an thlahte hi Batch hmasa ber niin he college atanga graduate hmasa berte an ni a, Senate of Serampore College hnuai a B.Miss. zir chhuak hmasa ber an ni bawk.

❑ Kristian Thalai Pawl

- ♦ April 20-21 khan Zawlpui Bial KTP Leadership Training, Kauchhuah Kohhranah neihpuin CKTP hruaitu Tual Upa Lalhruaizela leh Tv. R. Lalramnghaka te an kal a, training-ah hian mi 45 an tel thei. Inrinni zanah T.Upa Lalhruaizelan thuchah a sawi a, Pathianni zanah Tv. R. Lalramnghakan a sawi thung.
- ♦ Presbyterian Youth Joint Triennial Conference (PYJC) wavi 9-na Zohmun (Myanmar), April 24 -29 hmanpuin Upa Zothangzuala Chhangte (Treasurer) leh Pu Saizamliana Sailo (com. member) te an kal. April 27 hian CKTP Rawngbawl Dan zirin zawhna leh chhanna hun te an hmang ang a, April 28-ah Leadership Training an nei zui ang.
- ♦ April 21 (Pathianni) zan khan Synod Choir ten Dawrpui Vengthar Kohhranin an sawm angin hun an hmang. Tum 3 dinah hla 8 an rem, Director Pu Vanlalhruaian thuchah a sawi.

❑ PES HSLC Result, 2013

High School Leaving Certificate Result, 2013-ah khan Presbyterian English School ten result tha tak an nei hlawm a, candidate zawng zawngin an pass vek a, Subject hrang hrangah Letter Mark hmu an awm nual bawk. School hrang hrang result hetiang a ni :

S/n	Name of School	Appr.	Distn.	I Div.	II Div.	III Div.	Pass zat	Passed %
1.	PES, Zotlang	31	0	7	16	8	31	100
2.	PES, Serchhip	28	5	11	10	2	28	100
3.	PES, Khawzawl Vengthar	27	3	8	9	7	27	100
4.	PES, Keifang	20	1	8	9	2	20	100
5.	PES, Darlawn	14	2	5	7	0	14	100
6.	PES, Saitual	7	0	3	3	1	7	100
7.	PES, Kawlkulh	7	1	1	4	1	7	100
TOTAL		134	12	43	58	21	134	100

❑ Synod Office-ah CCTV dah thar

Synod Executive Committee thurel bawhzuiin Synod Office-a General leh Finance Department-ah April 20, 2013 khan CCTV pariat dah thar a ni ta a, Synod Office-ah hian May thla atanga hman tan theih turin Electronic Attendance Register buaipui leh mek a ni a, hmalak chhoh mek a ni bawk.

❑ Hruaina Eng FM Radio & TV Programme

- ♦ **APRIL 26 (FM Radio @ 7:30 p.m.) :**
Choir : Hmar Veng Bial Zaipawl - Baal Hmaa Thingthi Ngai Lo, Ramhlun Venglai Kohhran Zaipawl - Tui Hna Thar, **Thuchah :** Rev VL Krawschhuanmawia - Beiseina, **Group :** A Hmangaihna Faktute - Tawpna Ni A Ka Hringnun, **Solo :** Joy Zairemmawia - Ka Zai Zel Ang, Thanzawna - Thisena Inremna
- ♦ **APRIL 28 (TV Programme @ 3:00 p.m.) :**
Choir : Luangmual Kohhran Hmeichhia - Buhfaitham, **Sermon :** P.C. Vanlalnghaki - Hawh u, Lalpa hnenah i kir ang u, **Choir :** Sateek Bial Zaipawl - Lalnunnema kiangah, **Bihchianna :** Synod Rescue Home, **Playback :** Chhinga Veng KTP - Kantu Express

❑ Susamachar Prasaran Programme

APRIL 28 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Luangmual Vengthlang - Tumhara Mann Biakul Na Ho, **Group/Choir/Solo :** Champhai Vengthlang Pastor Bial - Hamara Kal, **Sermon :** Zohmingthanga - Yeshu me uddhar, **Group/Choir/Solo :** Bawngkawn Masihi Sangati, **Group/Choir/Solo :** Maubawk Sikul Veng Masihi Sangati

❑ Moderator Programme

Synod Moderator Rev. Lalramliana Pachuau chuan April 26 - 29 chung hian Bial Inkhawmpui, Vaphai Vengthar Kohhranah a hmanpuin ang.

MSSU HRIATTIRNA

Kum 2012 MSSU Pathian Thu Exam Result leh Lawmman chu peih fel a ni ta a. Bial Secretary ten Synod Office, MSSU Department-ah lam theih a ni e.

SYNOD INFORMATION & PUBLICITY NGENNA

Mizoram Presbyterian Church Synod chuan media Ministry tihchangtlunna lamah hma a la mek a, hemi tihpuitlinna atan hian heng a hnuai a item tar lante hi buatsaih a, Synod Hruina Eng TV leh Radio Programme-a tihchhuah atana rawn thawh turin Synod chuan Kohhran tin a ngen a ni. Tihlawhtling thei tur chuan Co-ordinator, SYNFO Department-ah pek tur a ni e.

1. Zaipawl music video (mpeg2 or avi) emaw, audio emaw;
2. Short play leh drama, zirtir nei tha leh en tlak;
3. Mal zai (Solo) video emaw audio emaw;
4. Kohhran rawngbawl na danglam bik, theh darh atana tha apiang video.

REV. LALZUITHANGA
Executive Secretary

